


# Co che la famiglia e la professiun sa laschan cumbinar

■ (cc) Ina da las dumondas las pli actualas che fatschentan ils geniturs ozendi è: Co sa laschan cumbinar la famiglia e la professiun? Dus novs films documentars sin DVD preschantan soluziuns creativas da geniturs dal Grischun, il mintgadi en la canorta d'uffants pitschens Neugut a Landquart e las structuradas dal di da la scola communal da S-chanf en Engiadina'Otta. Glindesdi, ils 22 da zercladur ha gi lieu la vernissascha dal DVD cun ina discussiun al podium. Il rapport grischun da famiglia ch'è vegni deliberà avant dus onns dal cussegl grond recumonda da proteger meglier las dunnas ed ils umens che han uffants u che giavischan uffants. Ina da las mesiras proponidas è la meglra cumpatibilità da la famiglia e da la professiun. La tgira d'uffants ordaifer la famiglia chatta per part pouca acceptanza en il Grischun. Mammias e babs che dumondan ils servetschs da canortas d'uffants u d'autras structuradas dal di per lur uffants vegnan criticats. I vegn emblidà che adina dapli familias èn dependents da questas purschidas, perquai ch'ina suletta paja na tanscha betg per nutrir l'entira famiglia. En intginas valadas na datti er insumma nagina pussaivladad da laschar tgirar ils uffants ordaifer la famiglia. Las instituziuns existents vegnan confruntadas cun ina dumonda creschenta. La gronda part da las canortas d'uffants ha glistas da spetga.

Ensem cun l'autura *Susanna Fan-*



**Il cover dal DC cun ils dus films documentars ed il material accompagnant.**

MAD

zun e cun la Televisiun Rumantscha ha il departament d'educaziun, cultura e protecziun da l'ambient dal Grischun (Deca) respectivamain il post da stab per

l'egalitad da las schanzas producì in DVD che cuntogna dus films documentars e material accompagnant. Ils dus films illustreschan la cumpatibilità da la

famiglia e da la professiun. Ils films èn en lingua rumantscha cun suttitels tudestgs.

Ils films documentars preschantan per l'ina il mintgadi en la canorta d'uffants

pitschens Neugut a Landquart, per l'atra las structuradas dal di da la scola primara da S-chanf ch'èn vegnidas creadas cun meds simpels. A pled vegnan geniturs, tattas e tats, politicras e politichers, manadras e manaders d'ina interpresa, ma cunzunt er ils uffants sez. Uschia sa musci ch'i dat ina vasta paletta da pussaivladads per ils geniturs da cumbinar la famiglia e la professiun. Entant ch'in dals pers surpiglia mintgamai la mesadad da las incumbensas, è la mamma cun in'activitad da gudogn a temp cumplain che educescha suletta ses trais uffants en la vegliadetgna da scola cuntenta ch'i dat in agid da far pensums a scola. Declerà vegn la responsabladad e l'engaschament da la patruna u dal patrùn, las experientschas da l'anteriura cussegliera guvernativa *Eveline Widmer-Schlumpf* cun ina rait familiara che funcziuna bain u las visiuns da la politica da furmazion e cussegliera naziunala da la ps *Jacqueline Fehr*. Sco giast spezial sa preschenta il cabarettist *Flurin Caviezel* cun sia chanzun «Laidar, laidar nai, dänn bin i nit dahai».

Il DVD «Co che la famiglia e la professiun sa laschan cumbinar» vul gidar a lantschar discussiuns davart la cumpatibilità da la famiglia e da la professiun e davart las numerusas pussaivladads d'infurmaziun.

**Il DVD po vegnir retratg gratuitamain tar il post da stab per l'egalitad da las schanzas, Loestrassa 37, 7000 Cuira, tel. 081 257 35 70 u e-mail: info@chancengleichheit.gr.ch**